

En quod aliæ cultæ nationes jamdiu effecerunt, Illyrico adhuc superest agendum. Italia post amissam suam perantiquam litteraturam et linguam tandem decimotertio sæculo prima in magnam iterum ascendit quaquaversum circumfusam litterarum lucem (legantur Muratorius, Tiraboschius, Bettinellius, Algarottus alique), atque productis plurimis classicis omnis argumenti scriptoribus dein ante tria circiter sæcula litteratorum Virorum concursu magnum vocabularium *Della Crusca* conservandæ dilatandæque communiseruditæ linguæ caussa confecit. Hoc vocabularium correctum et multis vocum millibus auctum octo voluminibus in folio comprehensum nunc Lucæ imprimitur. Gallia deinceps primo post unum et dimidium sæculum imitata Italiam, nullis alicujus momenti præhabitis scriptoribus, vocabulis undique consarcinatis atque adoptatis *le Dictionnaire de l'Academie françoise* composuit. Germania recenter ingenti labore ac studio immortalis Adelung suum universale doctæ linguæ lexicon nacta est. Præter hæc duo exempla adest proximum Hungarorum, qui sapienter omnem impendunt operam, ut totam eorum linguam in unum commune Vocabularium conferant. Plures magnanimi viri et doctrina et suppeditis mediis cum perenni eorum gloria concurrunt ad hunc pene ineultum agrum excolendum, unde non exi-